



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

«Պատմական հուշարձանների և կուլտուրական մյուս արժեքների պահպանության նկատմամբ հոգատարությունը Հայկական ՍՍՀ քաղաքացիների պարտքն ու պարտականությունն է»:

(ՀՍՍՀ սահմանադրություն, հոդված 66)

Արուն (նախկին Թալիշ, XVIII դ. մինչև 1970 թ.) գյուղը Հայաստանի հնագույն բնակավայրերից է: Գտնվում է պատմական Արագածոտն գավառում, Արագած լեռան հարավային ստորոտում (Հայկական ՍՍՀ Աշտարակի շրջան): V դարում հիշատակվում է որպես արքունի գորքերի ձմեռային կայան: VII դարում եղել է Հայաստանի կառավարիչ (661—682 թթ.) Իշխան Գրիգոր Մամիկոնյանի աթոռանիստը: X—XI դդ. վեր է ածվել քաղաք-ավանի:

Արունը և նրա շրջակայքը հարուստ են պատմաճարտարապետական հուշարձաններով՝ բրնձեղարյան դամբարաններով, տաճարով, պալատով, բերդով, կարավանատնով, խաչքարերով և այլն:

Արունի տաճարի տեսքը հարավ-արևելքից





Տեքը հյուսիս-արևելքից

Արուճի տաճարը վաղ միջնադարյան հայ ճարտարապետության կարևորագույն կոթողներից է: Շինարարական արձանագրության և մատենագրական վկայությունների (Ղևոնդ, Հովհաննես Դրասխանակերտցի, Ստեփաննոս Տարոնացի) համաձայն, VII դարի 60—70-ական թթ. կառուցել են տվել Գրիգոր Մամիկոնյանը և իր կինը՝ Հեղինեն: Պատկանում է «գմբեթավոր դահլիճ» կոչվող վաղ միջնադարի Պտղեհի ու Դոմաշեհի եկեղեցիների տիպին: Մեծ

եկեղեցու (17,0×34,6 մ) աղոթարանի ներսում, երկայնական պատերին կից, զույգ որմնամույթերն իրար կապող կամարների վրա էր բարձրանում այժմ կործանված գմբեթը՝ թմբուկով հանդերձ: Հենարանների աղյախի տեղաբաշխման շնորհիվ աղոթարանն ընկալվում է իր միասնական, չմասնատված տարածությամբ, բոլոր տեղերից լավ երևում է ավազ խորանը, որի երկու կողմերում գտնվում են ալանդատներ: Արևելյան ճակատում կան լայն ու խոր երկու որմ-



Ավազ խորան

նախորշեր: Դրանց միջև գտնվող ճակատի ստորին մասում, լուսամուտից ցած, ամփոփված է շինարարական արձանագրությունը: Լուսամուտները պակասված են նախշագարդ կամարներով, դռները՝ որմնապունագարդ շքամուտքով, իսկ քիվերը, ինչպես Չվարթնոցում, հյուսվածագարդ են:

Տաճարի պատերը ներսից սվաղված են ու պատած որմնանկարներով (այժմ խիստ վնասված): Ավազ խորանի զբմբեթարդում, մոտ 7 մ բարձրությամբ,

պատկերված է Քրիստոսը, ձախ ձեռքին մագաղաթագալար: Պատվանդանը բաժանված է երկու մասի՝ ականթի տերևների, վարդյակների ու պտուղների (խաղող, նուռ) միահյուսվածքից կազմված զարդագոտով, որը բոլորապատում է ավագ խորանը: Պատվանդանի տակ հիշատակված է նկարչի՝ Ստեփաննոս անունը:

Արունի տաճարն իր հաղթ ու հանդիսավոր ծավալներով, ճարտարապետական արտահայտիչ ձևերով իշխում է շրջապատի վրա: Կիսավեր վիճակում գտնվող այս հուշարձանը հիմնական վերականգնման (բացի գմբեթից) է ենթարկվել 1949—50-ական թթ.:

Պալատը, որ ըստ մատենագրական աղբյուրների կառուցել է տվել նույն Գրիգոր Մամիկոնյանը, 1948—1951 թթ. կատարած պեղումներով բացվել է տաճարին մոտ, նրա հարավարևելյան կողմում: Վաղ միջնադարում աշխարհիկ

Պալատի պունագարդ դահլիճի խոչակ



ճարտարապետության այս ուղագրավ հուշարձանախումբը բաղկացած է երկու առանձին շենքերից: Դրանցից մեկը, տաճարի հարավային կողմում, ունեցել է պունագարդ դահլիճ՝ իր հատակագծով ու մանրամասներով (պուների խարիսներ, խոչակներ) նման Դվինի կաթողիկոսարանին: Պահպանվել են պալատի պատերի ստորին մասերը, պուների խարիսները, երկու խոչակ:

Մյուս, փոքր-ինչ հարավ արևելք գտնվող շենքը (որի կազմում է նաև

միանավ բազիլիկի տիպի մի եկեղեցի) այլ հորինվածք ունի: Նրա ուղղանկյուն դահլիճը թաղածածկ է եղել, հենված չորս մույթերի վրա: Հետագայում, հավանաբար ուշ միջնադարում, արտաքինից ավելացնելով բրգավոր հաստ պատեր և կառուցելով ստորգետնյա առվով լցվող ջրավազան, կիսավեր դարձած շենքն օգտագործվել է պաշտպանական նպատակներով:

Արունի բերդը (դեռ մասնագիտորեն չի ուսումնասիրված), շենքերի և պա-

Արևելյան ճակատի խորշերից մեկը





Հարավային ճակատի հատված

րիսպների մնացորդները պահպանվել են գյուղի արևմտյան ծայրամասում:

Կարավանատունը կիսավեր վիճակում պահպանվել է գյուղի հյուսիսային կողմում, Աշտարակ—Թալին խճուղային ճանապարհի եզրին: Պատկանում է միադահլիճ եռանավ կարավանատների տիպին, որպիսիք կառուցվում էին Հայաստանում՝ XIII—XIV դդ.: Վեց զույգ մույթերով դահլիճը (15,0×26,5 մ)

քաժանված է եղել կենտրոնական (6,0 մ) և կողքերի (3,6 մ) ճալերի ու ծածկված երկթեք կտուրի տակ ստեղծված գլանաձև երեք զուգահեռ թաղերով: Դառնելով հյուսիսային պատի մնացորդներից, լայնական պատերը ներսի կողմից ունենին մույթերի քայլերին համապատասխան որմնամույթեր: Դրանց դերը երկայնական ուղղությամբ կառարում էին պահուսակները, որոնց վրա ճառում էին


թաղակիր կամարները: Միջին ճալի թաղակիր կամարների համար նույնպիսի պահուսակներ ագուցված էին երկայնական կամարների միջև, մույթերից քիչ բարձր:

Կարավանատան արտաքին ճարտարապետությունը լուծված է եղել կառուցվածքին հուսալի անատիկություն հաղորդելու ձգտումով, քանի որ պատեղ ժամանակավորապես հանգրվանող կարավանների վրա ավազակներ էին հարձակվում և թալանում էին: Արտաքին

պատերը խուլ էին, անկյուններում ու կենտրոնում կառուցված էին հատակագծում կիսաշրջան բուրգեր, որոնք կառուցվածքին ամրոցի տեսք էին տալիս: Միակ մուտքը, հավանաբար, հարավային կողմից էր, իսկ դահլիճը լուսավորվում էր թաղի գագաթի երդիկների միջոցով:

Պահպանվել է կարավանատան միայն հյուսիսարևելյան անկյունը՝ իր ծածկով հանդերձ, վերականգնվել է 1960-ական թթ.:

Արուն: Կարավանատան ավերակները





Խոլակ

ԳՄԴ 63. 3 (22) 6

Հ 863

Հարությունյան Վարազդատ Մարտիրոսի
ԱՐՈՒԾ

Арутюнян Вараздат Мартиросович
АРУЧ

(На армянском языке)

Издательство «Айастан»

Ереван — 1984

0505040000

Հ $\frac{0505040000}{701 (01) 84}$ պատվեր

© ՀՍՍՀ պատմության և կուլտուրայի
նուշարձանների պահպանության ընկե-
րություն, 1984

Մասն. խմբագիր՝ Յու. Ա. Թամանյան
Խմբագիր՝ Է. Գ. Շահնազարյան
Նկարիչ՝ Յ. Ա. Ասատրյան
Գեղ. խմբագիր՝ Ս. Ս. Մկրտչյան
Տեխ. խմբագիր՝ Կ. Գ. Սարգսյան
Վերատպող արագրիչ՝ Լ. Ս. Սահակյան

ИБ—2/4

Հանձնված է շարվածքի 3.09.1984 թ.:
Ստորագրված է տպագրության 19.12.
1984 թ.:

Ֆորմատ՝ 70×108¹/₃₂: Թուղթ՝ «Վավնա-
պատ» 0,35 պպմ. տպ. մամ., հրատ՝
0,38 մամ.: Պատվեր՝ 2499: ՎՖ 09511:
Տպաքանակ 10000: Գինը 10 կոպ.:

«Հայաստան» հրատարակչություն, Երե-
վան—9, Տեղյան 91:

Издательство «Айастан», Ереван-9,
ул. Теряна, 91.

ՀՍՍՀ հրատարակչությունների, պոլի-
գրաֆիայի և գրքի ստևորի գործերի
պետական կոմիտեի № 1 տպարան,
Երևան, Ալավերդյան 65:

Типография № 1 Госкомитета Арм.
ССР по делам издательств, полигра-
фии и книжной торговли. Ереван,
ул. Алавердяна, 65.